



Republika e Kosovës
Republika Kosovo
Republik of Kosovo

REPUBLIKA E KOSOVËS - REPUBLIKA KOSOVA			
KOMUNA E VITISE - OPŠTINA VITINA			
Organ i Praktikave Mëtigjina		04-05-2015	
Nr. shtetit	Nr. mbiqeni	Shtigje	Tjera
Org. broj	Numri	Printim	Vredhuni
01-013/631			



Komuna e Vitisë
Opština Vitina
Municipal Vitina

Në bazë të nenit 5 pika 3 të Ligjit për Mbrotjen e Mjedisit nr. 03/L-025 (Gazeta Zyrtare e Republikës së Kosovës nr. 50/2009, nenit 17 pika e) neni 40.2 pika a) të Ligjit për Vetëqeverisje Lokale nr. 03/L-040 (Gazeta Zyrtare e Republikës së Kosovës nr. 28/2008), nenit 11.2.5 dhe nenit 35.2 pika a) të Statutit të Komunës së Vitisë nr. 01-013/491, të datës 21.04.2012. Kuvendi i Komunës së Vitisë në mbledhjen e mbajtur më 29.04.2015 aprovon këtë:

RREGULLORE

PËR MBROJTJEN E MJEDISIT NË KOMUNËN E VITISE

I. Dispozitat e përgjithshme

Neni: 1

- Në procesin e mbrotjes dhe përparimin e ambientit jetësor është e domosdoshme njohja e ligjeve ekologjike, si parakusht për shfrytëzimin racional të resurseve natyrore, për mbrotjen efikase të sistemeve të gjalla dhe përparimin e tyre.

Vlerat natyrore gjeomorfologjike, hidrologjike, fitogeografike, ambientale, peizazhere dhe estetike e hapësirës gjeografike të Vitisë, si dhe vlerat specifike të tyre, kanë një rëndësi të veçantë në aspektin shkencor, edukativ, kulturor, ekonomik, dhe meritojnë tretman dhe status të veçantë shoqëror, sepse mjedisit duhet të ruhet jo vetëm për brezat e tashëm, por edhe për brezat e ardhshëm.

- Duke parë nevojën e arritjes së standartit përmjedisin në Viti në harmoni me ato të Bashkimit Evropian, dedikuar qëllimit që mundëson një mjedis të shëndetshëm në rritje për popullin e Vitisë, duke pasur parasysh së vënia e standardeve të tillë dhe krijimi i një mjedisit të tillë duhet të formohet një standard, në mënyrë që të jetë konform me zhvillimin e qëndrueshëm ekonomik dhe që Komuna e Vitisë të mund të përballojë harxhimet e tillë. I jemi qasur përpilimit të një projektrregulloreje me qëllim të mbrotjes së mjedisit jetësorë në të gjitha fushat mjedisore. Në këtë projektrregullore janë dhënë kushtet e përgjithshme përmjedisit regional dhe më gjërë, pasi që dihet se ndotja nuk njeh kufi.

II. Qëllimi i draftrregullores mjedisore

Neni: 2

Në këtë draftrregullore janë përcaktuar rrethanat dhe kushtet e përgjithshme për mbrojtjen e mjedisit në Komunën e Vitisë në përputhshmëri me specifikat e saj:

1. Qëllimi kryesorë i kësaj draftrregulloreje është krijimi i një baze me rregulla mjedisore, e cila do të promovojë një ngritje të mjedisit të shëndetshëm për popullatën e Vitisë, duke synuar arritjen e standardeve, përmjedisin, të Bashkimit Evropian.
2. Gjithashtu, qëllim themelor i kësaj draftrregulloreje është që të sigurojë një mjedis të tillë që është i përballueshme dhe konform me zhvillimin e qëndrueshëm ekonomik të Komunës së Vitisë.
3. Po ashtu, në këtë projektrregullore, janë caktuar autoritet publike në Komunën e Vitisë që do të bëjnë implementimin e rregullores, gjithashtu do të përcaktohen të drejtat dhe detyrimet e personave dhe ndërmarrjeve të ndryshme të cilat veprojnë në Komunën e Vitisë të promovojnë mjedisin e shëndetshëm.

III. Objektivat e draftrregullores mjedisore

Neni: 3

Objektivat themelore të mbrojtjes së mjedisit janë arritura e qëllimeve të përgjithshme në vijim. Me qëllim që të janë edhe reale edhe të përballueshme nga autoritetet publike, personat dhe ndërmarrjet, këto objektiva do të janë konform me zhvillimin e qëndrueshëm ekonomik të Komunës së Vitisë:

- Zvogëlimi gradual i ndotjes, degradimit dhe dëmit mjedisor si dhe minimizimi, ose ndalimi i atyre aspekteve ekonomike dhe aktiviteteve të tjera që përbëjnë një rrezik të madh për shëndetin e njeriut dhe mjedisit.
- Vlerësimi i ndikimit në mjedis.
- Mbrojtja e biodiversitetit dhe balancit të përgjithshëm ekologjik në hapësirën e Komunës së Vitisë.
- Shfrytëzimi racional dhe i qëndrueshëm i burimeve natyrore dhe tokës prodhuese, si dhe mbrojtja e akumulimeve gjenetike të natyrës.
- Mbrojtja e pamjeve të vlefshme natyrore, dhe
- Ruajtja dhe rehabilitimi i diversitetit, vlerave kulturore dhe estetike të peizazhit në hapësirën e Komunës së Vitisë.

IV. Përkufizimet terminologjike

Neni: 4

- Mjedis = Ambient = Environment: Tërësia e të gjitha kushteve të jashtme që ndikojnë jetën, zhvillimin dhe mbijetesën e një organizmi. Tërësia e kushteve natyrore, në të cilat jeton e zhvillohet njeriu a një qenie tjetër, ndodhet e ndryshon një send, zhvillohet një dukuri etj; gjithçka që rrethon një organizëm dhe ndikon mbi të; hapësira a sendet që na rrëthojnë.

-Ekologji: Shkenca biologjike e cila merret me studimin e ndërlidhjeve të ndërlikuara dhe marrëdhënieve midis faktorëve abiotikë (mjedisorë) dhe biotikë (organizmave të gjallë), organizmave ose grupi të organizmave me njëri tjetrin dhe midis organizmave e mjedisit të tyre jetësor. Studim i marrëdhënieve midis organizmave dhe midis organizmave e mjedisit të tyre jo të gjallë.

-Mbrojtja e mjedisit: Çdo aktivitet që synon ruajtjen ose përmirësimin e pastërtisë së mjedisit përmes parandalimit të shkarkimeve të substancave ndotëse apo zhurmave në mjedis. Gjithashtu këtu përfshihen aktivitete që synojnë konservimin e specieve të egra dhe habitateve të tyre, mbrojtjen e peizazhit, aktivitetet për monitorimin dhe analizimin e kushteve mjedisore.

- Ekosistem: Një njësi e cila përbëhet prej ndërveprimit të organizmave dhe mjedisit ku jetojnë. Bashkësi organizmash të ndërvarur, së bashku me mjedisin ku jetojnë e me të cilin ata ndërveprojnë e që është i dallueshëm nga bashkësitë e mjedisit pranë tyre.

-Biodiversiteti= Shumëllojshmëri Biologjike: Kompleksiteti biologjik i një numër speciesh të organizmave të një ekosistemi. Term që shënon të gjitha aspektet e shumëllojshmërisë biologjike, por sidomos pasurinë e llojeve, kompleksitetin e ekosistemeve dhe variacionin gjenetik.

- Zoodiversiteti= Kompleksiteti biologjik i një numër speciesh të organizmave shtazorë të një ekosistemi. Term që shënon të gjitha aspektet e shumëllojshmërisë shtazore, por sidomos pasurinë e llojeve, kompleksitetin e ekosistemeve dhe variacionin gjenetik.

- Fitodiversiteti= Kompleksiteti biologjik i një numër speciesh të organizmave bimore të një ekosistemi. Term që shënon të gjitha aspektet e shumëllojshmërisë bimore, por sidomos pasurinë e llojeve, kompleksitetin e ekosistemeve dhe variacionin gjenetik.

- Fitocenoza= Nënkupton shoqërimet, mbulesën e individëve të llojeve të ndryshme bimore në një ekosistem.

-Zonat e mbrojtura të natyrës: Zona me pasuri ose llojshmëri të rrallë natyrore të cilat vihen nën mbrojtje për të siguruar ruajtje të qëndrueshme dhe për të penguar ndonjë përcarje. Në këto zona nuk lejohet zhvillimi i asnje aktiviteti ekonomik, dëmtim ose ndryshim.

-Vlerësimi i ndikimit në mjedis (“VNM”) do të thotë vlerësimi për të determinuar dëmet e mundshme mjedisore nga ndërtimi dhe aktivitete të tjera zhvillimore.

- Inspektor mjedisor: do të thotë personi që ka autorizimet e duhura me ligj apo aktet normative të nxjerra nga ligji për mbrojtje të mjedisit, të bëjë inspektimeve dhe aktiviteteve të tjera si dhe determinimet preliminare rreth konformitetit apo jo-konformitetit të aktiviteteve të tillë me këtë ligj apo akte normative të nxjerra në pajtim me ligjin.

-Mbeturina të rrezikshme: janë mbeturina të cilat janë të ndezshme, korrozive, reaktive ose tokiske dhe mbeturina të tillë janë klasifikuar si të rrezikshme nga BE-ja.

-Ndotës: do të thotë personat që shkaktojnë ndotje.

-Ndotje: do të thotë shkarkimin e një substance (duke përfshirë substanca në formë të ngurtë, lëngët apo në formë të gaztë) ose energji (duke përfshirë vibrimin, radiacionin, ngrohjen, dritën, zhurmën apo forma të tjera të energjisë) në mjedis, që ka potencial

domethënës që t'i shkaktojë dëme shëndetit njerëzor, organizmave të gjallë apo ekosistemeve apo dëm mjedisor.

- **Mbeturina:** çdo substancë ose lëndë të cilën zotëruesi e hedh, mendon ta hedh ose është i detyruar ta hedh.

- **Mbeturinat komunale** - janë mbeturina nga amvisëritë, po ashtu edhe mbeturina nga aktivitetet tjera të cilat për shkak të përbërjes dhe natyrës së tyre, janë të ngashme me ato të amvisërisë.

- **Hedhurinë** - pjesë e mbeturinës, lëndë ose substancë e cila mbetet pas përpunimit të mbeturinës, komponente ose elemente të cilat nuk kanë vlerë përdorimi.

- **Rieiklim:** do të thotë mbledhja selektive e mbeturinave komunale me qëllim të riprodhimit dhe ripërdorimit. Materiali i njëjtë përdoret për të prodhuar një produkt të njëjtë ose të ngashëm me të përparshmen.

- **Burim natyrore me vlerë:** do të thotë, fenomen i njohur natyror që është shumë i vlefshëm, i paktë dhe unik, një burim i tillë natyror mund të përfshijë fenomen unik gjeografik siç janë fosilet, mineralet të pa-zakonshme, akumulime apo formacione, shpella, gërxhe, lumenjve, fusha me ujë, bimë dhe kafshë unike, si dhe ekosisteme dhe peizazheve.

- **Degradim mjedisorë:** do të thotë degradim substancial i mjedisit (në atë shkallë që ndikon në kualitetin e jetës), nga ndotja, mbeturinat dhe plehrat ose nga përdorimi apo shfrytëzimi i paautorizuar i burimeve natyrore.

- **Pëlqim mjedisor:** do të thotë autorizim me shkrim i nxjerrë në pajtim me këtë ligj, që në rrethana të pëershruara me këtë ligj ose akte normative të nxjerra në pajtim me këtë ligj, më qëllim marrjen e lejes për ndërtim.

- **Dëm i mjedisit:** do të thotë një gjë apo aktivitet që ka potencial të jashtëzakonshëm dhe të dukshëm që ta dëmtojë mjedisin në mënyrë substanciale, apo të bëjë një aksident mjedisor.

- **Zona të mbrojtura natyrore:** Zona me pasuri ose llojshmëri të rrallë natyrore të cilat vihen nën mbrojtje për të siguruar ruajtje të qëndrueshme dhe për të penguar ndonjë përcarje. Janë pjesë të ruajtura të natyrës, me veçori dhe vlera të veçanta natyrore, të cilat kanë rëndësi të përhershme ekologjike, shkencore, kulturore-arsimore, rekreative dhe turistike dhe si vlera me interes të përgjithshëm gjëzojnë mbrojtje të veçantë.

- **Zonë Urbane** – zona e cila fizikisht formon pjesën e një qyteti dhe karakterizohet me pjesë të rëndësishme të sipërafaqeve të ndërtuara, densitetit të lartë të popullsisë dhe banimit, punësim dhe transport të konsiderueshëm dhe infrastrukturë tjetër. Zonat urbane mund gjithashtu të përbajnë zona të gjelbra zakonisht të shfrytëzuara për qellime rekreative.

- **Sipërsaqe publike:** konsiderohen rrugët, trotuaret, parkingjet, rrugicat, stacioni i autobusëve, parqet, pompat e derivateve, tregjet, varrezat, shëtitoret, terrenet sportive dhe argëtuese, pishinat publike, hapësirat ndërmjet dhe rreth ndërtesave kolektive të banimit, toka të pa shfrytëzuara.

- **Komuna** – njësi themelore e vetëqeverisjes lokale në Republikën e Kosovës.

- **Leje Mjedisore Komunale (LMK)** - është dokument me shkrim që e lëshon Komuna, për veprimtari që kanë ndikim në mjedis, sipas Ligjit dhe Akteve tjera nënligjore;

- **Plan Zhvillimor Urban PZHU:** Nënkupton planin e përcaktuar sipas Ligjit për Planifikim.

- **Plan Zhvillimor Komunal PZHK:** Nënkupton planin e përcaktuar sipas Ligjit për Planifikim.

- **Plan Rregullues Urban i Hollësishëm:** Nënkupton planin e përcaktuar sipas Ligjit për Planifikim.

V. Mirëmbajtja e sipërfaqeve publike dhe hapësirave të tjera

Neni: 5

Për mirëmbajtjen e parkingjeve, tregjeve, sipërfaqeve të gjelbëruara, varrezave, shtratin e Lumit Morava, shtratin e prrockës prapa Shtëpisë së Kulturës "Gursel e Bajram Sylejmani", kujdeset ndërmarrja e autorizuar.

Neni: 6

Të gjitha oborret duhet të janë në gjendje të rregullt dhe të pastërt, ku për mirëmbajt e tyre obligohen nga kjo rregullore që të kujdesen pronarët, respektivisht shfrytëzuesit e tyre (Këshillat banesorë apo të lagjeve).

Neni: 7

Të gjitha ndërmarrjet hoteliere, mishtoret, blegtoret dhe personat fizikë obligohen që eshtrat e kafshëve të therura t'i vendosin në kontinjerë të caktuar. Ndërmarrja përkatëse e kontraktuar nga Komuna është e obliguar që këto mbeturina t'i dërgojnë në varreza përkatëse. Pronarët e fermave, personat fizikë janë të obliguar që kafshët e ngordhura t'i lajmrojnë, në kohët e nxehta (brenda 12 orëve pas kohës së ngordhjes së shtazës), në stinën e dimrit deri në (24 orë), për bartjen e tyre në vende të caktuar.

Neni: 8

Në kontinjer për mbeturina shtëpiake dhe në kontinjer për mbledhjet mbeturinave nga hapësirat publike ndalohet hedhja e mbeturinave industriale dhe veprimtarive zejtare, mbeturinat dhe materialet e forta.

Neni: 9

Mbeturinat të cilat nuk i takojnë mbeturinave shtëpiake (mbeturinat e rrezikshme) mbahen deri në bartjen e tyre nëpër enë speciale në objektet, respektivisht në vendet e caktuara për to.

Neni: 10

Ndërmarrja është e obliguar, në qoftë se kërkohet largimi i mbeturinave të cilat konstatohen se nuk janë mbeturina shtëpiake, t'i marrë me kompensim të veçantë për hedhjen e tyre në vendin e dedikuar.

Neni: 11

Ndërmarrja e obliguar për punët e mirëmbajtjes duhet t'i pastrojë edhe hapësirat rrëth kontinjerëve me rastin e zbrazjes dhe në çdo kohë të janë në gjendje të pastër.

Neni: 12

Me qëllim të mirëmbajtjes më të mirë të gjendjes së pastërtisë në vendet publike vendosen shportat e mbeturinave, për të cilat kujdeset ndërmarrja përkatëse, nëse është e specifikuar me kontratë,

Neni: 13

Ndërmarrja përkatëse është e obliguar që në periudhën prej 3 muajve të dezinfektojë kontinjerët dhe hapësirat rrëth tyre. Njëherit këtë mundë ta bëjë edhe në raste tjera me kërkesën e Inspektorit të Mjedisit.

Neni: 14

Ndërmarrja dhe personat tjerë juridikë dhe fizikë, të cilët dëshirojnë që në mënyrë të pavarur të bëjnë bartjen e mbeturinave të tjera në deponi, janë të obliguar që paraprakisht të marrin pëlqim me shkrim nga organet komunale kompetente si dhe t'i paguajnë ndërmarrjes përkatëse kompensim për hedhjen e mbeturinave në deponi sipas çmimit të përcaktuar nga organi kompetent, bartja e mbeturinave duhet të bëhet me automjete të mbyllura në mënyrë që të mos lejohet derdhja e tyre gjatë transportit deri në deponi.

Neni: 15

Kompania është e obliguar që t'i përbahet orarit për grumbullim të mbeturinave në lagjet apo fshatrat e Komunës së Vitisë, po ashtu edhe qytetarët janë të obliguar që t'i përbahen orarit të përcaktuar nga Kompania.

VI. Menaxhimi i mbeturinave medicinale

Neni: 16

16.1 Të gjitha ambulancat shëndetësore, shoqërore dhe private dhe barnatoret farmaceutike, janë të obliguara që të bëjnë klasifikimin dhe trajtimin e mbeturinave medicinale sipas rrezikshmërisë në mënyrë që të mbrohet shëndeti i njeriut dhe ruajtja e ambientit dhe për këtë ndalohet:

- a) Hedhja e mbeturinave medicinale në kontinjer ku janë të dedikuar për mbeturina shtëpiake për pos kontinjerëve specialë.
- b) Hedhja e barnave **me skadim të afatit** në kontinjer.
- c) Derdhja e ujërave të zeza dhe ujërave të tjerë në sistemin e kanalizimit të qytetit. Ujërat e tillë duhet të grumbullohen në një rezervuar të posaçëm për derdhjen e këtyre ujërave dhe pasi që të bëhet pastrimi fizik kimi dhe bakteriologjik i tyre duhet të derdhen në sistemin e kanalizimit të qytetit.

16.2. Kompetente për trajtimin e mbeturinave medicinale është Shtëpia e Shëndetit "Nëna Terezë" në Viti dhe Drejtoria e Shëndetësisë dhe Mirëqenës Sociale.

VII. Mirëmbajtja e tregjeve dhe objekteve të tjera

Neni: 17

Për mirëmbajtjen e pastërtisë në tregje dhe objektet e tregjeve do të kujdeset ndërmarrja e obliguar për menaxhimin e tyre dhe ato duhet të mbahen në gjendje të rregullt dhe të pastër. Çdo ditë tregjet, pas kalimit të kohës së punës, duhet të pastrohen dhe një herë në muaj të bëhet dezinfektimi i tyre.

Neni: 18

Në tregje duhet të sigurohen kontinjerë të mjaftueshëm për hedhjen e mbeturinave.

VIII. Mirëmbajtja e pastërtisë në oborret shkollore

Neni: 19

19.1 Shkollat janë të obliguara që të kyçen në rrjet të kanalizimit, në ato vende ku ekziston rrjeti i kanalizimit, ndërsa në vendet ku nuk ka sistem të kanalizimit duhet të kyçen në gropë septicë.

19.2 Për pastërtinë në oborret e Shkollave të Komunës së Vitisë janë të obliguar të kujdesen dhe ta menaxhojnë vetë Shkollat, kurse mbeturinat e grumbulluara në kontinjerë janë të obliguara që t'i bartin ndërmarrjet përkatëse.

19.3 Shkollat janë të obliguara që të kujdesen për gjelbërimin dhe ruajtjen e tij në oborret shkollore.

Neni: 20

Instucionet administrative dhe publike janë të obliguara t'i mirëmbajnë oborret e tyre.

IX. Mirëmbajtja e pastërtisë dhe ruajtja nga degradimi mjedisor

Neni: 21

Obligohen lokalet afariste të hyjë në sistem të grumbullimit të mbeturinave.

Neni: 22

Obligohet çdo ekonomi familjare dhe objekte afariste që të kyçet në sistem të kanalizimit të ujërave të zeza, në ato vendbanime ku ekziston sistemi i kanalizimit publik.

Neni: 23

Obligohen që çdo rrjet i kanalizimit publik i ujërave të zeza në fshatra, që në përfundim të rrjetit të ndërtojnë gropë septicë për trajtim të ujërave të zeza sipas PZHK-së dhe PZHU-së. 500-1000E

Neni: 24

Në vendbanimet ku nuk ka sistem të kanalizimit publik, ndalohet rrjedhja e ujërave të zeza në sipërsaqe publike ku i bezdis qytetarët dhe ndotë mjedisin dhe në prona private të fqinjve.

Neni: 25

25.1. Të gjithë qytetarët, pronarët e ndërtesave familjare të banimit, pronarët e lokalet afariste në vendet urbane dhe jo urbane kanë për obligim të mirëmbajnë hapësirat rreth objekteve të tyre rrugët publike dhe objektet e ujit si dhe sipërsaqe të tjera të hapura me interes të përgjithshëm.

25.2. Të gjithë personat fizikë dhe juridikë, pa përjashtim të asnjë qytetari, kanë për obligim të ruajnë ambientin nga degradimet e ndryshme si: brenda zonave urbane ndalohet marrja e dheut si dhe prishja e argjinaturave rreth lumit Mora e rërës dhe gurëve në lum. Nxjerrja dhe ekspluatimi i shkëmbinjve të cilët bëjnë degradim mjedisor. Të gjitha këto kategori të ndotjes dhe degradimit, janë të obliguar që të pajisen me leje përkatëse.

25.3 Me qëllim të mbrojtjes së mjedisit në Komunën e Vitisë ndalohet:

- a) Hedhja e mbeturinave dhe materialeve tjera fundrrinore në shtratin e lumenjve, përrrenjve, kanaleve, në rrugë dhe sipërfaqeve të tjera publike;
- b) Hedhja dhe vendosja e plehat të kafshëve në sipërfaqet jashtë oborreve si dhe në pronën e tyre, në vendet ku distanca nuk është e mjaftueshme nga vendet e banuara me popullatë njerëzore;
- c) Përdorimi i puseve të braktisura për t'i derdhur ujërat e zeza apo për t'i deponuar mbeturinat;
- d) Hedhja e vajrave motorike dhe derivateve të naftës në të gjitha vendet publike, përveç vendeve të caktuara nga organet kompetente;
- e) Hedhja e mbeturinave ndërtimore në vendet publike, përveç vendeve të përcaktuara nga organet kompetente;
- f) Ndalohet bartja e mbeturinave dhe fekaleve me mjete që nuk janë të destinuara dhe të licensuara për bartje të tyre;
- g) Mbajtja e mbeturinave në kosha të cilat nuk i plotësojnë kushtet për mbajtjen e tyre;
- h) Larja e veturave dhe automjeteve bartëse në lumenj dhe rreth brigjeve të tyre;
- i) Ndezja e zjarreve prej mbeturinave dhe materialeve të tjera që ndotin ajrin dhe mjedisin në përgjithësi;
- j) Ndezja e zjarreve prej gomave dhe materialeve prej gomës dhe tekstilit;
- k) Dëmtimi i bimëve (luleve) dhe pjesëve të gjelbëruara të qytetit në përgjithësi.
- l) Vendosja e ushqimit të kafshe në vende dhe hapësira publike ku e dëmtojnë hapësirat e gjelbëruara dhe imazhin e tyre në përgjithësi.
- m) Ndalohet ekspluatimi i dheut në hapësira publike.
- n) Kompanitë janë të obliguara, që pas kryerjes së punimeve, t'i largojnë mbeturinat nga vendpunishtja dhe deponimi i tyre të bëhet në deponi të licencuar.

25.4 Me qëllim të ruajtjes së sipërfaqeve të gjelbëruara publike ndalohet:

- a) Krasitja, prerja e drunjve, thyerja e degëve të fidanëve, kositja dhe largimi i barit nga sipërfaqet e gjelbëruara pa pëlqimin e Drejtorisë, respektivisht shërbimit përkatës.
- b) Shfrytëzimi për kullosa të kafshëve.
- c) Largimi, djegia, dëmtimi i shenjave të mbishkrimit të vendosura me qëllim të ruajtjes së mjedisit dhe sipërfaqeve të gjelbëruara.

X. Mbrojtja e Biodiversitetit

Neni: 26

- 26.1 Me qëllim të mbrojtjes së Zoodiversitetit në komunën tonë ndalohet gjuetia e pakontrolluar dhe e palicensuar.
- 26.2 Ndalohet rreptësishtë gjuetia në zonat e mbrojtura dhe rezervatet e shtazëve të parapara nga shoqata e gjuetarëve për mbrojtje të shtazëve.
- 26.3 Ndalohet gjuetia e zogjve mishngrënës (Fajkoi, Shqiponjen e maleve, Huti malor) si dhe atyre jo mishngrënës (thëllënza e gurëve, pulëdushku).
- 26.4 Ndalohet gjuetia e shtazëve të mëdha (ariu i murrëm, kaprollit, ujkut, dhelprës dhe macja e egër).
- 26.5 Ndalohet shkatërrimi dhe dëmtimi i foleve të zogjve, shpellave dhe qerdheve të shtazëve tjera, prerja e drunjve ku janë të vendosura folet e zogjve.

Neni: 27

Me qëllim të mbrojtjes së fitodiversitetit ndalohen këto veprimitari në zonat e ndryshme Fitosociologjike dhe fitocenologjike në territorin e komunës.

- 27.1 Shkatërrimi dhe prerja e individumeve të fitocenozës së njohur në këtë territor *Ass. Salici - populetum nigrae. (fitocenoza e plepit të zi me shelg)*.
- 27.2 Shkatërrimi dhe dëmtimi i monumente natyrore botanike, monumente natyrore hidrologjike dhe monumente natyrore gjeomorfologjike të shpallura si të mbrojtura me PZHK dhe PZHU.
- 27.3 Prerja dhe dëmtimi i zonave dhe peizazheve të mbrjtura bimore të shpallura si të mbrojtura me PZHK.

XI. Shfrytëzuesit e resurseve natyrore

Neni: 28

- 28.1 Personat juridikë ose fizikë mund të kryejnë aktivitete në hulumtimin, zbulimin dhe shfrytëzimin e burimeve natyrore në territorin e Komunës sipas këtyre kushteve:
 - a) Paraprakisht duhet të paraqes kërkesë në institucionet përkatëse, dhe të merr leje përkatëse;
 - b) t'i nënshtronhet procedurës së Vlerësimit të Ndikimit në Mjedis(VNM), në përputhje me nenin 22 të **Ligji për Mbrojtjen e Mjedisit dhe ligjit për Vlerësimin e Ndikimit në Mjedis**;
 - c) të respektojë dispozitat ligjore dhe rregullat lidhur me aktivitetet e tij, nëse burimi natyrore është pronë publike, të ketë koncesion ose ndonjë të drejtë tjetër adekuate për përdorimin dhe shfrytëzimin e burimeve në përputhje me ligjin;
 - d) gjatë aktivitetit të zvogëlojë çrregullimet mjedisore që rrjedhin prej tij dhe
 - e) pas ndërprerjes së veprimitarës, të rehabilitojë ose rikthejë mjedisin në gjendje të mëparshme, në përputhje me projektin e rehabilitimit.

XII. Vlerësimi i ndikimit në mjedis (VNM) dhe Raporti i Vlersimit të Ndikimit në Mjedis për Leje Mjedisore Komunale (LMK)

Neni: 29

- 29.1. Zbatimi i punëve ndërtimore apo instalimeve dhe skemave të ndryshimit-intervenime në mjedise natyrore, duke përfshirë ekstraktimin e mineraleve, e në qoftë se një projekt i tillë ka potencial të bëjë dëm mjedisor, është i obliguar të bëjë Vlerësimin e Ndikimit në Mjedis.
- 29.2. Personi, ndërmarrja apo organi publik që planifikon të modifikojë një projekt dhe, në rast se kjo paraqet një rrezik potencial për të rritur apo zmadhuar shkarkimin ose shpërndarjen e dëmit mjedisor, duhet t'i nënshtronhet VNM-së apo Raportit për LMK.

29.3. Komuna nuk do të lëshojë Lejen për Ndërtim apo kryerje të aktiviteteve, nëse një projekt i tillë është subjekt i VNM-së apo LMK-së dhe për të cilin nuk është siguruar pëlgim mjedisor, respektivisht leja mjedisore apo LMK nga autoritetet kompetent (MMPH apo Komuna).

Neni: 30

Vlerësimi i ndikimit në mjedis, por edhe Raportit për LMK do të bëhet në përputhje me aktin e vecantë të cilin e nxjerr Ministria e Mjedisit dhe Planifikimit Hapësinor (MMPH).

Neni: 31

Askush nuk ka të drejtë të ndërmarrë, apo kryej ndonjë veprimtari, e cila mund të paraqes ndikime në mjedis dhe për të cilin më parë nuk është siguruar autorizimi mjedisor nga MMPH apo Komuna, sipas Ligjit për Mbrojtjen e Mjedisit dhe akteve tjera nënligjore.

Neni: 32

Obligohen që çdo veprimtari apo objekte të paisen me Leje Mjedisore Komunale (LMK) të cilat janë të precizuara me Udhëzim Administrativ për Leje Mjedisore Komunale.

XIII. Gjelbërimi i hapësirave publike

Neni: 33

Me qëllim të zgjerimit dhe mirëmbajtjes së sipërfaqeve publike, të gjelbëruara dhe mbëltimit të fidanëve në qytet dhe vende urbane, duhet të mbikëqyren dhe mbrohen në mënyrë të caktuar me këtë rregullore:

- a) Sipërsaqet e gjelbëruara (parqet, sheshet, rendet e fidanëve, gjelbërimi i lagjeve të komplekseve banesore dhe gjelbërimë tjera).
 - b) Pjesët mbrojtëse të lagjeve në vendet urbane, paralagjet, në vendet e banuara dhe vendet industriale (pjesët mbrojtëse të gjelbërimit, bregut të lumit dhe të sipërsaqeve të tjera ujore) përveç tokës mbrojtëse pyjore e cila është pjesë përbërëse e sistemit përmbrojtjen nga erozioni.
 - c) Sipërsaqet e gjelbëruara të ndërmarrjeve, të organizatave të ndryshme dhe subjekte tjera.
 - d) Sipërsaqet e gjelbëruara me destinim të veçantë dhe të dobishme (gjelbërimi rrëth varrezave, rrëth objekteve kulturore historike, dhe objekteve tjera me rëndësi).
 - e) Gjelbërimi i vendeve për rekreacion, i lokaliteteve turistike dhe shëtitore, sipas PZHK-së dhe PZHU-së.

Dispozitat e kësaj Rregullore nuk kanë të bëjnë me pyjet, tokat bujqësore dhe pjesët tjera të natyrës për të cilat zbatohen dispozita tjera.

Neni: 34

Gjelbërimi i sipërsaqeve në vendet e sapondërtuara duhet të parashihen me projektet e ndërtimeve të tjera dhe të bëhet me anë të kontrollit profesional nga ana e Drejtorisë dhe shërbimeve përkatëse sipas PZHKG-së dhe PZHU-së.

Neni: 35

Projektet e objekteve të sapondërtuara por edhe të atyre që ndërtohen në pjesët e ndryshme të qytetit duhet të kenë të përfshira edhe pjesën e gjelberuar, në të kundërtën ato plane konsiderohen si jo të plota dhe nuk mundë të lejohen.

XIV. Mbrojtja e tokës

Nen: 36

Personat juridikë dhe fizike të cilët me aktivitetet e tyre në territorin e Komunës, bëjnë hulumtimin dhe shfrytëzimin e burimeve natyrore, grumbullimin e mbeturinave, hirit, ngjyrës ose materialeve tjera, shkaktojnë erozion të tokës apo ndryshim në regjin e ujit, duhet të ruajnë shtresën sipërfaqësore të tokës, rivendosin regjin e mëparshëm ujor dhe stabilitetin gjeo - mekanik të tokës gjatë veprimitarisë dhe pas përfundimit të këtyre aktiviteteve.

XV. Mbrojtja e ajrit

Neni 37

Subjektet të cilat disponojnë me burim të ndotjes së ajrit janë të obliguar që me masa tekniko-teknologjike dhe masat tjera, të sigurojë që shkarkimet dhe shpërndarjet në ajër të jenë në kufijtë e vlerave të përkufizuara dhe përcaktuara me ligj dhe aktet tjera.

XVI. Mbrojtja e ujit

Neni 38

- 38.1. Në përputhje me aktet e veçanta normative të Qeverisë , dhe me mundësitë e Komunës që të përballojë këto nivele, do të themelohen nivelet maksimale të lejueshme të shkarkimit dhe shpërndarjes së ndotësve të ujit.
- 38.2. Duke respektuar standartet dhe rregullat mbi vlerat e përkufizuara të ndotjes së ujit, ndalohet:
- a) shkarkimi në ujëra i materieve toksike dhe jotoksiqe, të ngurta, të lëngëta ose të gazta, organizmave të gjalla duke përfshirë edhe organizmat e modifikuar gjenetikisht dhe formave të energjisë që shkaktojnë ndryshimin e kthjellësisë, dekantimit, shtresimit dhe aromës ose ndryshime tjera në cilësinë e ujit;
 - b) shkarkimi në sistemet publike të kanalizimit i ujërave të ndotura, të cilët përbajnë substanca mbi vlerat e përkufizuara ose materiale të dëmshme, të cilat mund të shkaktojnë probleme në sistemin e kanalizimit ose objekteve për pastrimin e ujit;
 - c) përdorimi i puseve të braktisura si gropë septike për ujëra të ndotura.

XVII. Mbrojtja nga zhurma

Neni: 39

Drejtoria pér Urbanizëm, Kadastër dhe Mbrojtje të Mjedis, në përputhje me dispozitat e nxjerra nga MMPH, ndërmerr masa pér mbrojtjen nga zhurma dhe me aktet e LPH, përkatësisht nga PZHK dhe PZHU, caktojnë zonat e vendbanimeve, zonat pér pushim dhe rekreacion si dhe bëjnë matjet sistematikë të zhurmës dhe vibrimeve.

Ndalohet zhurma që kalon standardet e lejuara (90 dB) në hapësirat publike (nga muzika, nga veturnat me zhurmë të lartë, nga lokalet që punohet me makina që kanë zhurmë të lartë që i pengojnë banorët pér rreth dhe lloje tjera të zhurmës që i kalojnë standardet e lejuara (80 dB) nëpér vende rekreative të cilat janë të përcaktuara me PZHK dhe PZHU.

XVIII. Zonat e mbrojtura të natyrës

Neni: 40

- 40.1. Zonat me vlera të veçanta natyrore, me interes pér Komunën, gjëzojnë mbrojtje të veçantë me ligj dhe akte të tjera të nxjerra në pajtim me ligjin.
- 40.2. Me qëllim të ruajtjes së zonave të natyrës me vlera të veçanta, organet komunale kanë pér obligim ti propozojnë dhe t'i shpallin, si dhe t'i menaxhojnë këto zona.
- 40.3. T'i propozojnë Kuvendit Komunal shpalljen e zonave të mbrojtura.
- 40.4. Pér ruajtjen e tyre janë të obliguar të gjitha institucionet shtetërore e private si dhe të gjithë qytetarët e Vitisë dhe të Komunave tjera.
- 40.5. Organet Komunale nxjerrin plane dhe dokumente tjera pér menaxhimin e këtyre zonave.

XIX. Masat e veçanta pér mbrojtjen e mjedisit

Neni: 41

41.1 Pér rastet e aksidenteve të mundshme ekologjike ose rastet e rrezikimeve të jashtëzakonshme të mjedisit, rrezikimit të shëndetit dhe jetës së njerëzve në territorin e Komunës së Vitisë, Komuna me propozim të Drejtorisë pér Urbanizëm, Planifikim dhe Mbrojtje të Mjedisit dhe të Drejtorisë së Shëndetësisë nxjerrë planet e veprimit pér këto raste :

41.2 Planet e veprimit duhet t'i përbajnjë këto pikat :

- a) Ilojet e rrezikshmërisë si pasojë e aksidentit ekologjik,
- b) procedurat dhe masat pér zbutjen dhe eliminimin e pasojave të drejtpërdrejta të dëmshme pér mjedis,
- c) organet pér zbatimin e masave të caktuara,
- d) përgjegjësitë dhe autorizimet lidhur me zbatimin e masave.

e) XX. Informimi për mbrojtjen e mjedisit

Neni: 42

Drejtoria për Urbanizëm, Planifikim dhe Mbrojtje të Mjedisit mban të dhëna, të cilat nuk janë pjesë e Sistemit Informativ për Mbrojtjen e Mjedisit, e të cilat përfshijnë pa kufizim:

- a) të gjitha subjektet që ndërmarrin veprimtari të autorizuara dhe veprimtaritë e tyre;
- b) kërkesat për miratim, licencat dhe autorizime të tjera që kërkohen të jepen dhe çdo informacion të mëtejshëm në lidhje me to;
- c) çfarëdo informacioni tjetër të marrë ose të siguruar sipas dispozitave të Ligjit për Mbrojtjen e Mjedisit apo akteve tjera normative;
- d) hollësi për gjoba të vendosura sipas Ligjit dhe akteve tjera normative.

XXI. Mbikëqyrja

Neni: 43

43.1. Mbikëqyrjen mbi zbatimin e dispozitave të kësaj Rregulloreje e bën Drejtoria për Urbanizëm, dhe Mbrojtje të Mjedisit; Drejtoria për Inspektion; Drejtoria për Shërbime Publike; Drejtoria për Shëndetësi; Policia e Kosovës dhe të gjitha organet që kanë ndikim të drejtpërdrejt në zbatimin e dispozitave të kësaj Rregullore.

43.2. Në kuadër të kompetencave dhe detyrave, Zyrtari për Mjedis kryen këto detyra:

- a) Bën politikat mjedisore brenda territorit të Komunës dhe harton plane mjedisore për ruajtjen e natyrës dhe ambientit brenda territorit të Komunës dhe jep propozime për Kuvendin Komunal,
- c) Vendime, njoftime tjera komform nevojave që paraqiten duke u bazuar në Ligj,
- ç) Jep propozime për zgjedhjen e çështjeve të ndryshme mjedisore,
- d) Sjell standarde mjedisore në Komunë në harmoni me Ligjin për Mbrojtje të Mjedisit dhe aktet e tjera të nxjerrura nga ky Ligj,
- dh) Cakton prioritetet afatgjata dhe afatshkurtra mjedisore brenda territorit të Komunës,
- e) Punët administrative dhe profesionale i kryen në bashkëpunim me Ministrin për çështje të caktuara,
- ë) Mbikëqyr zonat e mbrojtura të natyrës,
- f) Bashkëpunon me organet më të larta komunale dhe ndërkumunale,
- g) Bashkëpunon me shoqërinë civile dhe komunitetin.

43.3. Në kuadër të kompetencave dhe detyrave inspektori i mjedisit kryen këto detyra:

- a) Është përgjegjës për mbikëqyrjen e çrrregullimeve mjedisore të karakterit lokal, ndikimi i të cilave nuk kalon kufitë e Komunës dhe të cilat mund të zgjidhen, kontrollohen, parandalohen nga vetë Komuna.
- b) Ndërmerr këto masa .
 - i. Lëshon urdhëresa mbi mënjanimin e gjërave dhe sendeve të tjera nga sipërfaqet publike të cilat do të janë në rrezik potencial për ndotjen e mjedisit, rrezikun e shëndetit dhe jetës së njerëzve.
 - ii. Inspektori i Mjedisit nxjerr Aktvendim

- iii. Shqipton dhe të arkëton gjobat e parashikuara me vendimet e Kuvendit Komunal dhe ndërmerr masa tjera, për të cilat është i autorizuar me këtë Rregullore dhe dispozita të veçanta.
 - iv. Në zbatimin e kësaj Rregulloreje dhe dispozitave të tjera të veçanta Inspektori Komunal i Mjedist shqipton masat administrative dhe merr veprime të tjera të cilat janë të autorizuara me vendimin e Kuvendit Komunal.
- 43.4 Kundër vendimit të Inspektorit Komunal për Mjedisin ankesa i drejtohet Ministrisë së Mjedisit dhe Planifikimit Hapësinor.

XXII. Dispozitat ndëshkuese

Neni: 44

- 44.1 Të gjitha aktet normative të nxjerrura në pajtim me Ligjin e Mjedisit do të përbajnë dispozitat që specifikojnë gjobat që mund të imponohen për kundërvajtje.
- 44.2 Çdo dispozitë mbi gjobat e tillë të akteve plotësuëse normative do të sigurojë që një gjobë e tillë është proporcionale deri në mënyrën e dënimit të shkaktuar dhe e interesit nga një kundërvajtje.

Neni: 45

- 45.1 Me gjobë në të holla prej **500-1000€** do të gjobiten të gjithë shkelësit e nenit **5** dhe **nenit 18**.
- 45.2 Me gjobë në të holla prej **50-100 €** do të gjobiten të gjithë shkelësit e **nenit 6**; Nenit **7** me gjobë prej **200-400€** për persona juridikë dhe **100-200€** për persona fizikë; **Nenit 8** me gjobë prej **40- 80€** për persona fizikë dhe **100-200€** për persona, kurse juridikë; **Nenit 9** me gjobë prej **50-100€** për persona fizikë, kurse juridikë **100- 200€**; Me gjobë prej **500** deri **1500€** gjobitet ndërmarrja nëse shkelë **nenin 10**; Kurse me **200-400€** shkelësit e neneve **11**; Me gjobë **500 - 1000€** shkelësit e nenit **12** dhe **13**.
- 45.3 Me gjobë në të holla prej **250-500€** për persona fizik, dhe **500-1000€** juridik do të gjobiten të gjithë shkelësit e **nenit 14** dhe **nenit 25** pika **25.3 nënpika n)** e pikës **25.3** dhe pka **25.2** e **nenit 25**. Gjithë ashtu shkelësite **pikes 25.1** të **nenit 25** dënohen me gjobë **200 – 300€**.
- a) **45.4** Të gjitha ambulancat shëndetësore, shoqërore private dhe farmacitë të cilat nuk i përbahen **Nenit 16.1**, pka a) dënohen me gjobë prej **100-200 €** për institucione private, kurse publike **200-400€**. **Nenit 16.1**, pka b) dënohen me gjobë prej **100 - 200 €**. **Nenit 16.1**, pka c) dënohen me gjobë prej **300 – 500 €**.
- 45.5 Të gjitha personat juridikë që bien ndesh me **nenin 17 gjobiten me shumën prej 500-1000€**
- 45.6 Shkelësit e **nenit 19**, pika **19.1** pika **19.2** pika **19.3** dhe **nenit 20** do të gjobiten me gjobën prej **200 – 300 €**.
- 45.7 Shkelësit e **nenit 21** do të gjobiten me gjobën prej **200-300 €**.
- 45.8 Të gjithë autoritetet te cilët nuk i përbahen **nenit 23** do të gjobiten me gjobën prej **500-1000 €**.

- 45.9 Shkelësit e **nenit 28 - pika 28.1 - nënpika a)** do të gjobiten me gjobën prej **250-500 €** për persona juridik, kurse për persona fizikë **100-150 €**. Shkelësit e **Nënpikës b)** të pikës **28.1** e **Nenit 28** dënohen me gjobë **250-500€** personat juridik dhe **100-150€** personat fizik. Kurse Shkelësit e **Nënpikës e)** të pikës **28.1** e **Nenit 28** dënohen me gjobë **100-150€** fizik dhe **250-500€** juridik. **Nënpika j)** e pikës **25.3** **200-300€** fizik dhe **300-600€** juridik. **Nënpika l)** e pikes **25.3** dhe **nënpika a)** e pkës **25.4:** **50-70€** për persona fizik dhe **50-100€** juridik. Shkelësit e **Nënpikës m)** të pikës **25.3** dhe e pikes **25.4** **nënpika b)**

dënohen me gjobë 100-200€ për persona fizik dhe 250-500€ për persona juridik. Nënpika k) gjoba do të jetë 100- 200€ për persona fizikë dhe 250-500€ për persona juridik.

a) 45.10 Shkelësit e **nenit 29 pikat 29.1** dhe **nënpikat b),c),d)** dhe **e**) e pikës 25.3 e **nenit 25** do të gjobiten me gjobën prej 100-200€, kurse shkelësit e **nënpikës a)** të pikës 25.3 e **nenit 25 gjobiten 150-200€**. Shkelësit e **nënpikës f)** të pikës 25.3 gjobiten 100-200€ personat fizik, kurse personat juridik 500- 1000€. Shkelësit e **nënpikës g)** të pikës 25.3 gjobiten 50-100€ personat fizikë, kurse personat juridikë 200- 300€. Shkelësit e **nënpikës h)** të pikës 25.3 gjobiten 50-100€ personat fizik, kurse personat juridik 200- 300€. Kurse shkelësit e **nënpikës i)** të pikës 25.3 gjobiten 200-300€ personat fizik, kurse personat juridik 200- 300€.

45.11 Shkelësit e **nenit 40 pikat 40.1** do të gjobiten me gjobën prej 600-1000€ për persona fizik 1500-3000€ juridik. Pika **40.2** do të gjobiten me gjobën prej 300-800€ për persona fizik 1500-3000€ juridik. Pika **40.3** do të gjobiten me gjobën prej 500-1500€ për persona fizik 1500-5000€ juridik.

45.12 Shkelësit e **nenit 28 pika 28.1 nënpika b)** do të gjobiten me gjobën prej 150-300€ për persona fizik dhe 500-1000€ juridik. Shkelësit të cilët nuk i përbahen **Nenit 32** për paisje me **Leje Mjedisore Komunale gjobiten 500-800 €**.

45.13 Shkelësit e **nenit 39** do të gjobiten me gjobën prej 30-80€ për persona fizik dhe 200-400€ juridik.

45.14 Me gjobë prej 400 deri 800€ dënohet Kompania, nëse shkel **nenin 15**, kurse qytetari gjobitet prej 40-80€ nëse shkelë këtë nen.

45.15 Shkelësit e **nenit 22** dhe **nenit 24** gjobiten me gjobë prej 100 deri 200€ ekonomitë familjare, kurse me gjobë prej 200 deri 300€ objektet asariste.

Neni: 46

Inspektori Komunal për Mbrojtjen e Mjedisit ka autorizim të shqiptojë dënimin (gjobën) mandator në shumë prej **5€ deri 100€**, në përputhshmëri me Udhëzimin Administrativ për Gjobat Mandatore.

Neni: 47

Nëse pengohet Inspektori Komunal në kryerjen e obligimeve të veta dhe nëse personi fizik apo juridik nuk jep informata për identitetin dhe informata tjera, gjoba do të jetë prej **100 deri 200€** për persona fizikë dhe **300 deri 500€** për persona juridikë.

Neni: 48

Për kundërvajtje të caktuar me këtë Rregullore nuk do të përfshihen jo madhorët (të miturit), por do të dënohen me gjobë prindërit respektivisht kujdestarët e tyre.

Neni: 49

Kundërvajtësit të cilët nuk i përgjigjen gjobave mandatorë, Inspektori i mjedisit do të bëjë kërkesë për ekzekutim te Përmbaruesi Privat.

XXIII. Dispozitat kalimtare

Neni: 50

Për zbatimin e kësaj Rregullore do të kujdeset Drejtoria për Inspektion në bashkpunim me Policinë e Kosovës dhe Drejtorenë për Urbanizëm, Planifikim dhe Mbrojtje të Mjedisit dhe në bashkëpunim me organe tjera komunale dhe ndërkomunale.

Neni: 51

Ditën e hyrjes në fuqi të kësaj rregulloreje, shfuqizohet rregullorja e vjetër për Mbrojtje të Mjedisit në Komunën e Vitisë nr. 01-013/638 të datës 22.05.2012

Neni: 52

Kjo rregullore do të hyjë në fuqi 8 dit pas miratimit të saj nga Kuvendi i Komunës së Vitisë.

Kryesuesi i Kuvendit Komunal

/Naim Pira/



Data: 29.04.2015